



Шолюм эл, порымлык да гыч веер!

45-ше (3329) №,
2017 ий 4 ноябрь,
шуматкече.

ЯМДЕ ЛИЙ

1933 ий 1 февраль годсек лектеш.


0+

Пайремлан – чапле пөлек



Килемарыште
школым почмылан – 115 ий.

Школым
уэмден олмык-
тым! Тудым у школ



манаш чыла шотыштат амал уло. 25 ий ончыч чонгым оралте деч кермыч пырдыж гына кодын. Мольжым чыла вашталтыме. Спорт ден актовый зал-влакым у йодмашлан, нормылан келыштареныт. Класлашке у парт-влакым шын-дедылме. Библиотекешке, музейышке йӱнан мебельым налыныт. Химий, физике, биологий, географий кабинет-влак лабораторный пашам эртараш кӱлшӧ ешартыш материал да оборудований дене пойдаралтыныт. Медицине кабинет, кочмывер йӱршеш вес тӱсым налыныт.

Л.ГРИГОРЬЕВА ямдылен.

Фото-влакым Интернет гыч налме.

Марий Эл Республикын Правительстве да «Транснефть – Верхняя Волга» компаний Килемар кыдалаш школын туныктышыжо да тунемшыже-влаклан Марий кундемын шочмо кечыже вашеш пөлекым ыштеныт.



«Тыгай чапле школышто кажне йоча лач «визытанлан» тунемшаш», – ойлен, школым ончен савырнымеке, Марий Эл Республикым Вуйлатыше А.А.Евстифеев.

Лотерейыш ушныза!

Тӱн приз – СКЕЙТБОРД.
Моло чапле пөлек-влакат
куандарат.



«Ямде лий» –
йӱратыме йодташна,
«Ямде лий» –
вучымо газетна.

«Ямде лий» газетым почтаьон-влак ужалат. Налза!

**2018 ийын икымше
пелийжылан подписке шуйна.**
«Ямде лий» газетын акше –
298 тенгеат 80 ыр.

Индекс:
П4696. Марий Элыште,
Башкортостаныште
да Татарстаныште
ильше-влак, «Почта России»
каталогым ончыза!

ПОДПИСКЕ





Изи герой Алексей!

Алексей Скворцов Звенигово район Какшамарий школын 3-шо классыштыже тунемеш. Тений 7 июльышто Йошкар-Ола гыч коваж деке унала толшо рвезе, энгек лийын кертмым палыде, чара электровоштырым кучен. Тудым ток перен кертын. Алексей тоя дене кўртнывоштырым коранден шуктен. Тыге йолташыжым азап деч утарен.

Марий Эл Республикысе элгөргө паша министр Виктор Косарев изи геройлан Россий МЧС-ын Марий Элысе тўн управленийжын Почётан грамотшым да Москваке ўжмашым кучыктен. Россий Федерацийысе Федеральный Собранийын Федераций Советыштыже 2 ноябрьште Алексей гай лўддымō йоча-влакым кугу награде дене палемденыт.

Л.ВАСИЛЬЕВА ямдылен.

Уверлан уло вер

Морко районышто «Йоратыме ерем» шымлыме паша конкурс эртен. Индеш школ гыч 19 тунемше тангасен. Коркатово лицейын 9-ше «В» классыштыже тунемше-влак Святослав Александров ден Никита Иванов Шўргыерын ойыртемже дене палдареныт. Нуно сеныше-влак радмыш лектыныт.***

Шернур район Лажъялысе «Ший онгыр» йочасадыште «Шортнō шыже» пайрем эртен. Йоча-влак шыже нерген мурым муреныт, почеламутым лудыныт, куштеныт. Лышташым, емыж ден пакчасаскам поген модыныт.



Марий Пампалче

29 октябрыште эртыше «Ўдырсий» конкурсыш шым ўдыр ушнен. Нуно марий койыш-шоктышым, вургемым, калык йўлам ончыктеныт. Икымше «Марий Пампалче» лўмым Валентина Петрова (Курыкмарий район) сенен налын. «Ямде лий» газетнан пōлекшым Виолетта Георгиевалан (**шола гыч кокымшо**) кучыктенна.

Историйым шергалына

Кугу Октябрь социалистический революцийлан – 100 ий.

1917 ий 25-26 октябрыште (у стиль дене 7-8 ноябрьште) Петроградыште калык, саркуралым кидыш налын, жаплан ыштыме правительством сўмырал шуэн. Революцийн тўн вуйлатышыже В.И. Ленин лийын. Властыш большевик-влакын партийышт толын. Российыште граждан сар тарванен. Ты революций ХХ курымын ик эн кугу событийжылан шотлалтеш.

Кокымшо авам гаяк

Мыйын йоратыме туныктышем - Лидия Львовна. Тудо руш йылмым да литературым туныкта, класс вуйлатышына. Кажне урокышто шуко ум пален налына.

Лидия Львовна мыйым классик-влакын возымыштым лудаш кумыланден. Ме сочиненийым чын возаш тунемына, тўрлō писательын илышыже нерген пален налына. Туныктышына поро да шыма кумылан. Кажным колыштеш да эреак полшаш ямде.

Татьяна НИКИТИНА,
8-ше «А» класс.
Медведево, Знаменский.



Национальный художественный галерейыште Марий Элысе сўретче-влакын «Марий кундем» выставкышт 9 декабрь марте эрта.
Толза ончаш!

«Российский учебник» (ДРОФА ВЕНТАНА) корпораций «Особо охраняемые природные территории моего края» экологий маршрут-влак конкурсым увертарен. 2018 ий 15 январь марте шуйна.

«Оласе среда» проект дене келшышын, Параньга посёлкысо Гайсин уремыште кок площадкым почыныт. Иктыже – йоча-влаклан модаш, весыже – спорт дене кылым кучаш.

«Ямде лийлан» возалт!



Увер выр-выр

«Мый йоратем родной элемым...»



3.

Тыгай лүман поэзий пайрем Йоча да самырык-влаклан В.Х.Колумб лүмеш библиотекеште 27 октябрыште эртыш. Йошкар-Оласе түрлө школышто тунемше-влак, Марий Элын шочмо кечыжлан пөлеклен, почеламутым сылнын йонгалтарышт. Йоча-влакын мастарлыкыштым ончен, кумыл нөлталте: чыланат мотор марий вургеман улыт,

калык ончылно шкеныштым кучен моштат, марий йылме дене чаткан, яндарын мутланат!

Л.ГРИГОРЬЕВА.

Авторын фотожо-влак.



1.

4 ноябрь – Марий калыкын автономный областьшым ыштыме нерген декретым лукмо кече.



2.

Икымше верым налше-влак:

1. Арина Ибраева (29-ше №-ан шк., 4-ше кл.); 2. Ксения Юрасова (19-ше №-ан шк., 6-шо кл.); 3. Никита Роженцов (10-шо №-ан шк., 9-ше кл.).

Саламлена!



Зоя Дудина
ДОЛЯ ЗЕМНАЯ

3 ноябрыште Марий Эл Республикысе культурын сулло пашаенже, Кугыжаныш премийын лауреатше **Зоя Дудина (Глушкова) 55 ийым** темен. Тудо поэт да журналист. Лүмгечыже вашеш лудшо-влаклан пөлекым ямдылен - у книгам **(снимкыште)** рушла савыктен луктын.

Пагалыме Зоя Михайловна, юбилейда дене шокшын саламлена! Кызытат «Ямде лий» газетын ўшанле йолташыже улмыда дене кугешнена.



Шкетанын мландыштыже

Кодшо изарнян Оршанке районысо Йоча усталык пörтын пөлемыштыже Шкетан лудмаш эртыш. Индеш школ гыч толшо ўдыр-рвезе-влак мастарлыкышт дене таҥасышт.

Я.Майоров-Шкетанын произведенийжым лудшо-влак коклаште 1-ше верыш Виктория Мочалова (Кугунур), 2-шо верыш Элина

Имне

Тул оржамым мардеж со шереш,
Нур покшеч эрыкан кудалам.
Пижын омыл орва ден тереш,
Ончылнем почылтеш куд алан.
Мый ом лүд нигö деч ынде йылт,
Керемет мо лектеш, вүдия...
Волгалтеш тек волгенче –

йылт-йолт,

Кўдыртатыше шкеак лиям.
Тыведоп, тыведоп – тыге вот!
Тыведоп, тыведоп...
Туге шол...

Зоя ДУДИНА.



Ом шўктаре

Мыйын тукумем нимо денат огеш ойыртемалт. Моло гаяк пашаче, тале. Мый денем кугешнен кертышт манын, мый сайын тунемаш, калыкклан порым ышташ тўналам. Кочам ден ковам, ачам ден авам, пошкудовлак гай пагалыме поро айдеме лияш тыршем.

Александра ЗАХАРИНА.
У Торъял, Немда.



М.Шкетан лудмаш годым Оршанке кундемын вес поэтшын, Григорий Ивановын, ятыр почеламутшо йонгалте – тиде моткоч сай!

Поэзий номинацийыште Анастасия Есмеева (Лужбеляк, 1-ше вер), Анна Садова (Кугунур, 2-шо вер), Родион Емельянов (Тошто Крешын), Альбина Туманова (Упшо), Роман Кулаков (Оршанке шк., 3-шо вер) палемдалтыч. Кугу Орша школын тунемшыже-влак «Мичун уке ачажат» произведенийжым модын ончыктымашт дене ойыртемалтыч.

Л.СЕМЕНОВА.

Шарача ярминга

Порат (Шарача) школыштына эртаралтше ярминга нерген колында але уке? «Кунам?» йодыда. Проект почеш Покро пайремлан пöлеклалтше ярминга нылымше ий гүжла. Тений тудо 13, 20 октябрьште лие. Ёдыр-рвезе-влак кафем почыч, лүмым шонышт. Марий ма, руш ма вургем чие, сатуштым ужалышт. Чылажымат шке ыштеныт, кочкышым күэштыныт. Погынышо окса дене южо классыште партым ачалат, тунемме арверым налыт але театрыш миен толыт. Ача-ава-влакат куанен ужалаш полшышт.

Эн чутым тунемше-влаклан чапкагазым кучыктышна. Мутлан, «Эн сай ужалкалыше

менеджер», «Клиент-влак дене ыштыше эн сай менеджер», «Эн чот тамле кочкыш – йылметым нелат», «Эн поян үстел».



Автор-влак:
Полина
АНДРЕЕВА,
Ангелина
ИВАНОВА.
Волжский район.



Аделя «поро кумылан» манмым ончыкта

Татар ёдыр Аделя Абдрахманова Морко район Нужа (Кульбаш) школын 2-шо классыштыже тунемеш. Почеламутым сылнын лудеш. Республикысе татар тўвыра рўдерын эртарыме Муса Джалиль лўмеш сылнымут конкурсышто 2-шо верым налын. Чавайн лудмаште усталыкшым терген. Ончыкыжым доктор лияш шона. Молан? Нужа ялыштышт врач огыл, эсогыл фельдшерат уке. «Врачлан тунем пытаремат, шочмо ялышкем пörтылам. Калыкым эмлаш тўналам», – ойла Аделя. Поэзийым йöратыше ёдырлан тиде профессий лач келшен толеш.

Н. СЕМЕНОВА.



Авторын фотожо.

«Лаж» мут кушеч лектын?

Лажъял моткоч сöрал верыште шинча. Ял йыр шуко корем, олык уло. Тораштак огыл Лаж энгер йоген эрта. Тудын лўмжö мом ончыкта? Ожно энгер моткоч лопкан шарлен да келге улмаш, вончаш кўварат лийын огыл. Тунам энгер гоч пуш дене веле вонченыт. Вончымо годым вўдыш пуренгайышат лийын.

Э.В. СМИРНОВА,
туныктышо.
Шернур район.

Марий шымлызе И.С. Галкин тиге умылтара: «Лаж» мут марий йылмыште уке. Садлан тудым вес йылмылаште кычалман. Коми йылмыште «лажмыд» изи, вияш, келге огыл манмым ончыкта. Одо йылме гычат «лазы» шомак изи, куакш манын кусаралтеш». Тугеже марий йылмыште «лаж» мут энгерын изи да куакш улмыш нерген ойла.

*Кузе чонемже ялышке шупшеш,
Лорылык палаш гыч вўд йўдем
шузи...*

Василий Рееж-Горохов.



Шочмо ялем – Корамас ялем.
Шочмо ялем – шўмбел вершöрем.
Тыйым веле мый йöратем.
Шочмо йылмем дене мутланем.
Ольга КУЗНЕЦОВА.
Волжский район.

Марий Элем – шочмо верем! Тыйын мотор вершöретым ятыр сўретче шке пашаштыже палемден.


А мыняре тале мурызо-влак тыйым моктен мурат. Тыште татар, чуваш, марий, руш да молат ваш келшен, пагален илат. А марий вате унам ваш-лияш үстембаке тутло чесым пога: тыште шокшо мелна, йыргешке туара, ёян подгогыльо, тутло салмамуно да молат. Чыла тидым ужаш да тамлен ончаш толза унала Марий Эльшке! Турист-влакым уло кумылын вучена.

Диана АЛЕКСАНДРОВА.

Морко, Эгерсола.



Толза унала!



Даша СЕМёНОВАН сўретше.
Волжский, Кўгу Корамас



Идым тылзын 27-29 кечылаштыже Сыктывкарыште (Коми) Российысе финн-угор калык-влакын ассоциацийыштын VI погынышт лийын. Ик секций «Йылме. Образований. Наука» манын лумдалтын. **Мут – Мер Кагаш вуйверын егже, Калыкле президент школ-интернат-ын директоржо Лидия Геннадьевна ИКСАНОВАЛАН:**

Шочмо йылме – илыш негыз

– Школышто шочмо йылмым кузе тунемаш да кузе туныкташ? Пеш шуко весе-влакым титаклымаш лектеш, эре ала-кө титакан: шагатым иземдат, йылмым огыт тунем, але мӱнгешла, виеш туныктат да тулеч молат. Тидын шотышто раш каласыман: а кө чаракым ышта? Нигӱ. Тачысе кечын закон почеш нигӱлан торешлык уке. «Россий Федерацийысе образований нерген» 273-шо закон почеш мешке ойырен налына тунемме йылмым, тунемме предметым. Ме – туныктышо, тунемше-влак да ача-авашт.

Ситыдымашнат шуко: марий йылмым шочмо йылме семын тунемше икшыве-влак чот писын шагале мыт, ялыште марий йоча чӱдемеш, ача-ава шкештат марла огыт кутыро веле огыт, ынештат кутыро да йочаштымат ынешт туныкто. Тиде лӱдыкшӱ, но кидым волтен колтыман огыт, у йӱным кычалын, пашам ыштыман.



Мый почеламутым лудмо конкурсыш эре коштам, марий улмем деч иканат ом вожыл. Теат ида вожыл марла мутланаш. «Тудо эн чот чапле» манын моктыза. Тек марий йылмына шуко-шуко курым ила.

Леонид АНДРЕЕВ.

Морко, Шӱргыял.



Финн-угор улына



Школыштына родо-тукым калык-влак арня эртен. 2-шо «В» классыште тунемше-влак, мутлан, тӱрлӱ калыкын вургемышт дене палымын: курчак-влакым онченят, книгаг лудыныт. Арслан Смирновын коваже марий тувыран курчакым конден.

Кугурак класслаште тунемше-влак финн-угор тӱшкаш пурышо калык-влак нерген пырдыжгазетым луктыныт.

Л.ИВАНОВА.

Медведево, Руэм.



4 ноябрьыште Марий Элын калык писательже, РСФСР культурын сулло пашаенже Н.Ф.Рыбаковын (Миклай Рыбаков) шочмыжлан 85 ий темеш.

1.Шочмо верже – Волжский район ... **2.**1952 ийыште пытарен. **3.**1955 ийыште «Ончыко» журналыште «... ..» ойлымашыже савыкталтын. **4.**1959 ийыште «... ..» мыскара книгаже лектын. **5.**1960 ийыште М.Шкетан лӱмеш драмтеатр М.Рыбаковын «... ..» пьесыж почеш спектаклым шынден. **6.**Трилогийыш пуртымо произведений-влак: «... ..», «...», «...». **7.**Йоча-влаклан «... ..» йомак-пьесым возен. **8.**1996 ийыште Марий Элын лӱмым пуэныт.

В.СМИРНОВ ямдылен.

Вашмут – 8-ше лаштыкыште.

Лӱмгече

Мотор марий ялем,
Моткочак йӱратем.
Кажне кечын куан ден
Школышкеш вашкем.
Тыште туныктышо-влак
Моткоч устан туныктат,
Уло кумыл ден
вашкем,
Кушкын шумек,
врач лийнем.

Ольга КОШКИНА.

Советский, Кукмарий.



**МАРИЙ ЭЛАН – 100
2020 ИЙ**





Йӧратыме поэт – Чавайн

Мый 6-шо классыште тыршен тунемам. Эн чот марий йылме да литератур урокым йӧратем. Тиде предметым Ольга Васильевна Сидорова шукерте огыл гына туныкташ тӱналын. Тудо шочмо йылмым кумылым нӧлтен тунемаш ўжеш. Уромыштына ме сочиненийым, изложенийым, почеламутым возена. Марий улмем дене кугешнем.

Наталья СИДОРОВА.

Татарстан, Мамадыш, Кугу Шия.

Тӧрлатымаш: кодшо номерыште Н.Сидорован почеламутшо йымалне районым йонгылыш ончыктым.



Марий литературышто мыйын йӧратыме писателем – Сергей Григорьевич Чавайн. Мылам тудын «Ото» почеламутшо пеш келша. Тудын гоч поэт пӱртӱсын моторлыкшым мокта да пӱртӱсым аралаш ўжеш.



7 октябрыште ме, тӱналтыш школышто тунемше-влак, ял клубышто кочай-ковай-влаклан концертым ончыктышна. Ме марла куштышна, мурышна. Шонгыен-влак пеш йывырттышт.

Павел ОСИПОВ, 4-ше класс.

Татарстан, Агрыз, Пелемеш.

Куан огыл мо?

*Изи ялемым, моторемым
Ончем мый кечын, куанен.
Изи ялемын сылне тӱсшым
Ончен эре мый шекланем.
Мотор чодыражым, куэрлажым,
Энер да келге ержымат
Моктен мурем. Ялем, улат
Эн ныжыл, чонлан лишыл вер.*

Ямле Лапкашор ялем 1774 ийыште шочын. Кок уреман ялыштына 56 пӧрт уло. Изи гынат, чонлан пеш лишыл. Ял покшеч Менеуз лӱман энгер йога. Ял кажне ийын уэмеш да моторештеш. Мутлан, ўмаште кажне суртыш вӱдым пуртышт, а тений асфальт корным шарат. Тыгай кугу вашталтышлан чылан йывыртенна. Шочмо ялем, сылне пӱртӱс, лишыл пошкудо-влак – тиде огыл мо куан?!

Эвелина ФАЗЛЫЕВА.

Пошкырт, Илиш, Базитамак.

Ялем

Шочмо-кушмо ялем!
Тыйым вел йӧратем.
Ава гай тый улат,
Чонемлан вет кӱлат.
Шочшамат, родемат
Да эн сай танемат
Ты кундемем тошкат,
Илышемем шуят.
Кеч пеш мӱндырк каем,
Шочмо ялым коден,
Уло чон ден вашкем
Суртышкем, куанен.
Чыла тыште лишыл,
Мотор да ласка.
Нӧлталтше лай кумыл
Чонемем вӱчка.
Турий муралта ма
Я шӱшпык шӱшка –
Чыла тиде мыйым
Моткоч шымата.
Кӱтӱчӧ эрдене
Ушкалым покта,
Ял калыкым тудо
Пашаш тарвата.
Чыла ылыжеш,
Кожгана пӱртӱсат.
Ал кечыже шыргыж
Вуча мыйымат.

Аделина АПТЫКАЕВА.

**Пошкырт,
Мишкан, Ардаш.**

Овда нерген

Ик каныш кечын ковам дене понгым погаш мийышна. Мӧнгӧ вельш тарваныме деч ончыч Виче серыш каналташ волышна. Мый кугу кӱ ўмбака шинчым.

– Тышан ит шич. Тиде Овдан ўстембалже, – мане ковам.

Мый, содор тӧрштен кыненын, тӱслен эскерем. Кӱ кугу, шуналге, кажне тӱржӧ тӧр, чынак, ўстембал гаяк коеш. Тунам ковам легендым каласкалыш.

Ожно тыште Овда илен. Кужу шем ўпшӧ уло капшым петырен. Йол таганже ончыкыла ончен. Азаже шочмеке, Овда ялыш шӧрым кычалын миен. Сурт еда коштын, но нигӧ лектын огыл, чылан лӱдыныт. Овда моткоч сырен. Ял покшелне илыше шонго ўдырамаш гына, йочам чаманен, шӧрым луктын пуэн. Овда тудлан «Ялда пыта» манын каласен коден.

Тале мардежан ик кечын ялым тул авалтен. Тулйылме сурт гыч суртыш тӧрштылын, оралтым ломыжыш савырен. Калык нимом ыштен кертын огыл. Шӧрым пуышо ўдырамашын суртшо ончылан тул кенета пырдыж семын чарнен шогалын. Тыге моло сурт-влак аралалт кодыныт. Пожар деч вара Овда ты кундем гыч каен. Ял йӧршеш пытен. Овдан шудалмыже шуын, маныт.

Ангелина БАХМЕТОВА.

Татарстан, Мамадыш, Тошто Черкас.

Йомак-легенде




Пайрем дене!

4 ноябрь – Калыкын икоян улмо кече

2010 ийысе Всероссийский перепись почеш Марий Элыште илыше кугурак чотан калык-влак.

*Мый Россия
гыч улам,
Кугешнем тидын дене.
Мый Элемлан кјлам,
Вет мыят –
россиянин.*



**Марий
Элем –
келшен
илалше еш.
Элем, тјсет
уэмын
вашталтеш.
Тылат эре эн
шокшо саламем,
Марий Элем,
йоратыме элем.**

Руш
313947 ең
(45,1%)

Марий
290863 ең
(41,8%)

*Марий,
татар, уйгур,
чечен, мордба...
Вашла чылан
рушла
кутырена.*

Украин
3601 ең
(0,5%)



Татар
38357 ең
(5,5%)

*Ме пырля,
ме пырля!
Ме пырляште!
Ме пырля илена
келшымаште.
Мурена, куштена
йыр шогалын-
Тлаптена
шке кидна ден
пиалым.*

Чуваш
6025 ең
(0,9%)

**Лидия
ИКСАНОВА**

Удмурт
1932 ең
(0,3%)

Чиялтыза.


«Шочын пакчаштем»



Ме Зоя
ковам дене те
тыгай чапле
кавуным куштенна.

Катя РЫБАКОВА.
2-шо номеран
Шернур школ.

Пакчаштем лагенарий
шочын. Ончалза!
Катя ЧУРИКОВА.
Кужэнгер, Шүдымарий.



Яра клеткылашке
күлеш фигур-вла-
кым верандыза.

Витаминлан поян
ковышта

Конкурсш

Шочын лытак
пакчаштына.
Ковышта коклаште – реве.
Чылт йомакысе гай веле!
Алина ЕВСЮТКИНА.
Морко, Шлань.



Палаш огай

Лев темше
гын, тарванылаш пеш öр-
кана. Умылым муэшат, малаш
пурен возеш.
Тудо суткаште
24 шагат мален кертеш.



Коала суткаште 22
шагат мала. Түн кочкишыжо
– эвкалиптын лышта-
шыже. Омыюа лыш-
ташым күрлын налеш,
умшашке чыка да мал-
шыжлак пуреш.




Л Лайга лум

Лайга лум лойгалтеш,
Лым лийде ловыкталтеш.
Лүдде лумжо лузгыкта,
Ладыра ломбым лыдырта.
Лузга лум левашвалым
Лоп-лоп лийын леведеш.
Лачак лаке лавыран
Лапаялтын лапканеш.

Юлия ИВАНОВА.
Кужэнгер, Шорсола.



– Мичу, у
туныктышы-
да келша?
– Келша-а!
Ик тылзыш-
те кумшо
гана чер-
ланен!



Кум икгай коля игым му.

Ноябрь – тельшке капка.



Н.Ф.Рыбаков нерген викторинылан
(5-ше лаштыкым ончыза) вашмут.

1.Пöртанур. 2.И.С.Ключников-Палантай
лүмеш музыкально-театральный училищым.
3.«Кузе мый пырым пуштынам». 4. «Мик-Мек».
5.«Кок эрге». 6.«Салтак вате», «Кинде»,
«Онтон». 7.«Юзо күсле». 8.Калык писательже.

Индекс: Марий Элыште,
Пошкырт ден Татарстан
кундемлаште - П4696.
Тираж 1000 экз. Заказ 2244.
Формат – А-4-8.
Директор-түн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

выктыме. Типографийн

УЧРЕДИТЕЛЬ-ВЛАК:
Марий Эл Республикы-
се культур, печать да
калык-влакын пашашт шо-
тышто министерстве, «Ям-
де лий» газет» кугыжа-
ныш унитарный казенный
предприятий.

Газетым редакцийыште погымо да верстатлыме,
«СТРИНГ» ИПФ ООО-што ямде оригинал-макет гыч са-
адресше: 424006, Йошкар-Ола, Строитель урем, 95.

Газетым Массовый коммуникаций
сферыште да культур наследийым ар-
лымаште законодательством шуктен шо-
гыммыт эскерше Федеральный службн
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште
пуымо.

0+

Печатьыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийн шо-
нымашышт түрлө лийын кер-
тыт. Серыш-влак мөнгеш огыт
колталт.

Редакцийн да издательын
адресше: 424006, Йошкар-Ола,
СССР Вооруженный Вийын 70-ше
идалыкше урем, 20.